




SPRACHWELTEN

Grazia a [haifaif] - betg?

Divers concerts sut tschiel avert cun [haifaif]. «Quai tuna bain», hai jau pensà e sun ma rendida a Scharons. Dus onns èn passads dapi lura – in lung temp cun blers auts e bass. Lez di vuleva jau mo gudagnar novs commembers per la revista da giuvenils...

Probablmain era jau ina da las sulettas persunas giginas sin l'areal da l'openair a Scharons. Savens ma dumond jau tge che fiss capità, sche jau avess renunzià a quest concert. Insatge m'ha tuttina carmala dad ir. Cuntenta, senza quitads e single hai jau occupà mes post. Oz sai jau tge che m'ha attratg – in um attractiv, fascinant e charin. Cun in barbasiat è el arrivà al stan da [haifaif]. «Giuvenin» – quai è stà mes emprim patratg. A la fin da la saira m'ha el dà sia giacca, sco in vair galantum. Gea, uschia ha l'istorgia d'amur cumenzà. En il fra-



temp appartegna ella a mes mintgadi, mintgatant gia memia. Cura che jau ma sent uschia, pens jau davaira, sche jau duess engraziar a [haifaif] per l'incumbensa a chaschun da l'openair. La chanzun «Ewigi Liabi» resuna puspè da l'autpledader, in song che nus avain giudi lez di avant dus onns. Mintgatant hai jau l'impressiun ch'il text da questa chanzun haja la forza da manipular. Almain la melodia loma sveglia ils splerins che fan savens sien d'enviern. Il tema «giuvenin» è anc oz actual, però tut il rest dominescha. Il rest è... ed amur. Sco proxim reflectesch jau davart l'amur ed emblid il concert sut tschiel avert. In nov chapitel cumenza. L'amur fiss in bun tema per il proxim [haifaif].

Sibylle Pfiffner